

唐陸宣公集卷第二

制誥卷第二

貞元改元大赦制

貞元二年正月一日

門下王者體元立極欽若乎天地纂業承統  
嚴奉于祖宗用能百神允諧兆庶承賴立國  
之本斯其大經朕燭理不明違道招損往遭  
多難淪隋國都天地宗祧曠而莫主則是欽  
若嚴奉之義缺矣甚用懼焉洎復京師遽將  
告謝有司以人力耗斲禮物廢墜日居月諸  
歲幸云幕卜其吉日俯在上春齊心永懷坐



以待曙而百辟卿士抗疏上言咸謂人心未  
寧不足以盡敵寇孽猶在不足以告功迫於  
群情俯仰誠願郊廟孔迺瞻言莫從悼心慚  
顏胡寧自處重以和平未洽災沴荐臻去歲  
旱蝗兩河為甚人塗不息師出靡居加之以  
徵求因之以荒饉困窮殍餒轉死丘墟閭閻  
之間冬無積雪土膏未發宿麥不滋詳思咎  
徵有為而致兵戎之後餘祲尚存獄犴之中  
深寃未釋又河中淮右逆將阻兵汗膏齊人

陷之死地雖欲自雪厥路無由抱義銜寃足  
傷和氣此皆由朕棄德播災于人為之父母  
實用愧耻今玄陰已謝春日載陽勾萌畢伸  
幽贊咸震思與海內同心自新發號更元用  
符天意宜改興元二年為貞元元年自正月  
一日昧爽已前大辟罪已下已發覺未發覺  
已結正未結正繫囚見徒罪無輕重咸赦除  
之先准勅令量移收叙人所司據節文速與  
處分應河中齊從將士多是奉天赴難功臣



本居朔陲風尚忠節豈以一夫詰誤棄其累  
代勲庸朕於此軍尤所不忍特宜洗滌以待  
初誠自非與官軍決戰死於鋒刃其餘雖臨  
陣擒獲亦從釋放棄逆歸順者在身先有官  
爵實封一切如舊仍准前後勅所在便給賞  
錢并與甄叙如有因危効節建立殊庸量其  
事績特加獎擢李懷光若能翻然悔過束身  
赴朝念其嘗有大勲必當終始全護仍准前  
勅授之官封朕於功臣庶亦無負淮西將吏

之號式敷在宥之澤與人更始以答天休可  
大赦天下改建中五年為興元元年自正月  
一日昧爽以前大辟罪已下罪無輕重咸赦  
除之李希烈田悅王武俊李納等有以忠勞  
任膺將相有以勲舊繼守藩維朕撫馭乖方  
信誠靡著致令疑懼不自保安兵興累年海  
內騷擾皆由上失其道下罹其災朕實不君  
人則何罪屈已弘物予何愛焉庶懷引慝之  
誠以洽好生之德其李希烈田悅王武俊李



納及所管將士官吏等一切並與洗滌各復爵位待之如初仍即遣使分道宣諭朱滔雖與賊泚連坐路遠未必同謀朕方推以至誠務欲弘貸如能効順亦與惟新其河南北諸軍兵馬並宜各於本道自固封疆勿相侵軼朱泚大為不道棄義戾恩反易天常盜竊名器暴犯陵寢所不忍言獲罪祖宗朕不敢赦其應被朱泚脅從將士官吏百姓及諸色人等有遭其脅誘有迫以兇威苟能自新理可

明者所謂舉官姓名聞奏以為褒貶其內外員及京城諸使名目委御史審勘會商量并省停減仍集百寮定議務從簡約息費便人其京官職田及息利官錢等黠吏詆欺移易疆畔或貧人轉徙捕繫親隣日月滋深耗弊彌甚亦令百寮議其折衷擇善而行徃以賦役殷繁人不堪命定為兩稅事額易從比屬軍興或踰始制法無所守吏益為姦哀我勞人汙可小息自諸道州府除兩稅外應有



權宜科率差使一切悉停京畿及近縣所欠  
百姓和糶價直委度支即勘會支給諸道非  
臨寇賊州縣自冬已來點召官健子弟並宜  
放散任營生業應經陷賊州縣百姓屋宇被  
焚毀并貧病老弱及遭傷損之類所在量加  
優恤使得安存天下名山六川并自古聖帝  
明王賢臣烈士祠廟墳墓各委當處長吏擇  
日致祭必資精潔以達志誠班制有差所以  
序賢也廩秩有等所以明勸也今或高卑失

序中外相踰至於鄉士之家尚罹凍餒之患  
忠信重祿豈其然耶內外官祿及俸錢手力  
雜給等委中書門下度支即參詳定額聞奉  
應赴奉天及收城將士等並功存社稷節著  
艱危中心歲之豈忘酬報頃緣府藏空竭賞  
給未周乃眷勲臣實用增愧應准元勅合請  
賞錢人委所司節減在官及百司費用據所  
有財物速與給付應在京城及諸道立功將  
士等先有詔旨並許甄收所司勘會淹歷時



月委中書門下即准元勅屢分諸軍行營并  
河中朝邑被脅從將士家口在京及諸州府  
者宜令本道節度觀察使安存賑恤各令優  
給應諸軍使立伏見在城將士等共賜七萬  
匹制書有未該備所司遠皆類條件聞奏敢  
以赦前事相言告者以其罪罪之亡命山澤  
挾藏軍器百日不首復罪如初赦書日行五  
百里遐邇咸知

冬至大禮大赦制貞元元年十一月

門下君天下者受命于天地繼業于祖宗致  
其誠心惟敬與孝違敬莫大乎廢祀虧孝莫  
大乎黷神朕以眇身屬承大統縱欲敗度浸  
生厲階兵連禍深變起都邑六師播蕩九服  
震驚郊廟園陵陷於凶逆神人乏主將迨周  
星列聖大業幾墜于地違虧敬孝罪由朕躬  
撫臨萬邦甚用自愧側身思咎庶補將來股  
肱元臣比義叶德爪牙衆士戮力同心誅大  
慙而都邑廓清剪逋寇而開河底定茲再與



王公卿尹洎億兆之人備其盛容備其禮物  
薦誠清廟展敬園立陳謝罪愆告雪憤耻感  
慕慙怍若無所容上帝在懷再新景命豈伊  
匪德獨荷鴻休思與普天誕膺多福可大赦  
天下自貞元元年十一月十一日昧爽已前  
大辟已下已發覺未發覺已結正未結正繫  
囚見徒罪無輕重常赦不原者咸赦除之左  
降官量移近處流人及藩鎮効力並即放還  
應有痕戾禁錮前後恩赦節文未該及者亦

宜洗雪勿以為累李希烈僭逆不道誠所難  
容朕憫念蒼生務息征討頻有詔命許其自  
新若能歸降依前勅待以不死淮西管內將  
士官吏百姓等一切原宥與之如初先有官  
封亦皆復舊如能特建功効者當別抽擢若  
家口親屬在諸道者長吏綏撫各使安存其  
歸順百姓仍委節度觀察使刺史給空閑地  
任便安居優復終身務令全濟待事平已後  
聽歸本貫天下百姓去年十二月已前欠負



官稅官租及諸色人逋懸一物已上但不在  
官典復內者一切免放內外文武官見任及  
致仕官三品已上賜爵三級四品已下加一  
階天下諸使諸將軍士三品已上賜爵一級  
四品已下加一階白身人賜勳三轉自頃亮  
渠倡亂逆臣附姦保據國都憑陵旬服朕出  
次郊邑再遷巴梁險阻艱難靡不經歷暴亂  
之後仍彰烈士之功憂危之中方見直臣之  
節錄勳進善其可弭忘應奉天興元元年扈

從立功并收京城將士食實封者各隨文武  
與一子官餘並加兩階仍賜勳二轉其文武  
百官應扈從到興元府者五品已上賜爵一  
級六品已下加一階合入三品五品者不拘  
考限聽叙其五品已下父母未經追贈者與  
追贈應平河中將士即准元勅速與甄獎自  
建中四年已來有身无王事義烈著明未經  
褒贈者本道即具名銜事跡聞奏諸道有解  
退官健州府長吏切務安存仍量以空閑田



地給付免其差役任自營生杜稷之勲以輔  
興王業統帥之任以總制戎麾參袞職者其  
德崇授旄節者其功大方鎮乃國之垣翰禁  
衛實予之爪牙尹京實賴於肅清主計尤資  
於辦集所頒慶澤宜越常倫司徒兼中書令  
晟宜與一子五品正員官并四品階諸道副  
元帥與一子六品正員官中書門下平章事  
充節度使各與一子七品正員官節度使及  
神策兵馬使六軍統軍金吾六軍大將軍判

度支侍郎各與一子八品正員官都團練都  
防禦等使京兆河南尹金吾六軍將軍殿前  
射生兵馬使各與一子九品正員官多難以  
未三十餘載克平禍亂屬在戎臣或節著艱  
危或勳高戰伐受任雖專於總帥成功亦賴  
於羣材懋賞推恩宜加胤嗣諸道大將功業  
崇高者各與一子官本使即詳定錄名聞奏  
副元帥都統兼節度下每道各二十人都團  
練都防禦使下各十人如大將子孫之中有



藝業優長性行純確者本使具狀聞薦仍量  
事資給令赴上都朕當隨材授官以充侍衛  
庶使忠臣之後與國無窮故尚父子儀先朝  
元勳身復京邑贈太尉秀實以死為國節冠  
古今宜令與子孫一人五品正負官自至德  
已後節度使大將有忠烈績効著明其後論  
賢者所司即條錄聞奏與子孫一人正負官  
諸色人應在賊中潛奉神主項已甄賞官便  
賜優崇三品已上賜爵一級四品已下加一

階江淮轉運使檢校左僕射同中書門下平  
章事韓滉勵精動職夙夜在公漕輓資儲千  
上相繼事無憊素人不告勞拯于凶災厥有  
成績可進封晉國公開畿之內連歲興戎荐  
屬天災稼穡不稔穀糴翔貴烝黎困窮倉廩  
空虛莫之賑贍每一興念惻然痛心宜令度  
支取江西湖南見運到襄州米十五萬石設  
法般赴上都以救百姓荒饑如山路險阻車  
乘難通仍召貧人令其般運以米充腳價務



於全活流庸庶事優饒副朕勤恤立國之道  
始於親親所以厚骨肉之恩明教化之本况  
存經報故宗族漂淪敦睦之情有加常典大  
長公主長公主各與一子七品官嗣王  
郡王郡主縣主各與一子官出身應陪位皇  
親五等已上諸親三等已上者三品已上賜  
爵一級四品五品加一階六品已下及常選  
官散官等簡選日優與處分未出身人量授  
文武散官如宗子中有德行才能宗正卿具

名聞奏當別獎任致理之本在乎審官審官  
之由資乎選士將務選士之道必精養士之  
方魏晉已還澆風未革國庠鄉校唯尚浮華  
選部禮闈不稽實行學非為己官必徇人法  
且非精弊將安救宜令百寮詳思所宜各脩  
議狀中書門下叅較得失擇善而行有虞建  
官三載考績在漢為吏或長子孫蓋吏久於  
官則人情不苟官久於事則理化有成日者  
制度廢墮考課乖舛淹速靡準升降無名欲



令庶寮何以懲勸自今以後刺史縣令未經  
三考不得改移自餘非在職績効殊尤亦不  
得越次遷轉刺史停替須待魚書內外五品  
已上及常叅官在任年考已深者即量才効  
用與改中外迭處以觀其能夫明目達聰務  
廣聞見或慮懷才抱器輪忠納諫之倫地處  
幽遐無由自達永言於此夢想不忘應諸色  
人有長策濟時忠規匡主任具陳所見詣所  
居之州委刺史略與討論觀其旨趣但有裨

治道不涉私情便與附驛遞送朕當親覽自  
立兩稅經今百年或初定之時已有偏併或  
戶口減耗舊額猶存輕重不均流亡轉甚委  
度支即折衷條理以卹困窮古者雖有水旱  
人無菜色皆由儲畜不匱勸導有方前代所  
置義倉國初亦循其制備災救乏甚便於人  
即宜准貞觀故事天下所墾見田土自王公  
下及百姓每豐稔之歲秋夏兩時州縣長官  
以理勸課據頃畝多少隨所種粟豆稻麥逐



便貯納以為義倉如年穀不登即量取賑給  
官司但為其立法勸諭不得收管仍各委本  
道觀察使逐便宜處置聞奏敦本厚生必資  
播殖當今所切莫甚於斯自今百姓有墾闢  
田疇加於常歲者所加之地不得輒徵租稅  
刺史令長考課亦以本界墾田多少為殿最  
今年蝗旱損甚州府開春之後量給種子使  
就農功天下應荒開田有肥沃堪置屯田家  
委當管節度使觀察都團練都防禦等使刺

史審細檢行以諸色人及百姓情願者使官  
佃如部署精當收穫數多本道刺史特加褒  
升屯田等節度優賞如是逃戶田地本土復  
業即却給還輦轂之下四方會同供應既多  
難為準定急賦繁役人何以堪宜令京兆尹  
與度支計會長安萬年兩縣每季各先交貯  
備錢五千貫文於縣庫收納定清幹官專知  
應緣卒須別索及雜供擬并工匠等縣令與  
專知官先對給價錢季終之後申度支勘會



所是和市和產並須先給價錢兩稅外一物  
已上不得科配百姓御史臺朝廷紀綱尚書  
省治化根本百度得失繫乎其人自頃制勅  
頒行所司多不遵守王臣奉職豈所宜然委  
御史臺左右丞切糾稽違無壅朕命南郊太  
清宮太廟應職掌行事官郊廟攝將軍中郎  
郎將及留守副留守內定行從官三品已上  
各賜爵一級四品已下加一階並賜勳兩轉  
其諸色支供作官司直長上流外灼然要職

掌者並賜勳兩轉行事室長掌坐齋部禮生  
贊者減二年勞無勞可減者簡選日優與覈  
分崇賢館學生見在者減帖策各一道國子  
監陪位學生賜勳一轉介公鄴公各與一子  
官如無子孫賜物一百匹神策六軍殿前左  
右射生黃武威遠皇城左右金吾街使將士  
應緣大禮宿衛御樓立仗及守本庫本營者  
共賜物若干端正天灾作沴深儆予衷跼躅  
憂慚罔知攸措今穀價騰踊人情震驚鄉閭



不居骨肉相棄流離殞斃所不忍聞公私之間廩食俱闕既無賑恤又復徵求財殫力竭繼以鞭箠施征則軍糧乏贍厚取則人何以堪念茲困窮痛切心骨思所以濟浩無津涯補過實在於增脩救患莫如於息費致咎之本既由朕躬謝譴之誠宜自朕始宜令尚食所進御膳每日各減下一半庶官人等每月惟供給糧米一千五百石龍廐馬廄今已後至三十日已前並減一半料京兆府應差科百姓及和市和買等諸色日事無大小一切並停公私債負容待蠶麥熟後徵理

唐陸宣公集卷第二



唐陸宣公集卷第三

制誥卷第三

貞元九年冬至大禮大赦制

門下朕以寡德屬當大統皇天眷佑俾至兆  
人懼不克承夙夜祗畏緬懷前烈致于昇平  
予心浩然罔知攸濟小大之務曷嘗不勤芻  
蕘之言亦莫不敬慮每存於致理志常在於  
恤人中宵屢興終食累歎一事乖張怒焉疚  
懷一夫罹殃惻若傷體思與海內同臻大和  
息其生業降心從衆實匪有辭克已利人誠



無所恠然以視聽有極思慮難周况乎長白  
深宮安於近習損益之理寧免過差幽遠之  
情固多未達由是兢兢砥礪悔往脩來燭理  
所患於不明推心庶幾於無負日慎一日于  
今十有五年矣上靈降監多士叶誠五稼屢  
豐四鄙不擾方鎮輯睦干戈底寧邊壘繕完  
殊方歛附協天地會昌之運實宗社無疆之  
休慶既荷於玄功禮有昭于大報矧惟霜露  
之感永切孝思禋燎之儀每勤精意將申誠

敬其在躬親是與公卿大夫虔奉犧牲圭璧  
陳其文物薦其馨香類秩於泰壇朝享于清  
廟率職來助萬邦攸同備物致嚴百禮具舉  
誠慕獲展神人允諧明發永懷慶感斯集純  
嘏所錫豈惟朕躬思俾普天均承惠澤可大  
赦天下貞元九年十一月十日特赦已前繫  
囚見徒大辟已下罪無輕重咸赦除之其見  
於官辯對者亦並放免官人犯入已贓不可  
令其却上已後勿以為累左降官及流入並



量移近處其官已經量移未復資者還其階  
爵寬謫遐裔冀速沾恩比者准制量移所司  
皆例申牒屢加盤覆累涉歲年既甚淹遲且  
不均一宜令吏部刑部審勘檢本流貶及量  
移勅旨比類元犯事狀輕重兩月內與處分  
外文武見任及致仕家并諸軍諸使將士等  
三品已上賜爵一級四品已下加一階將百  
姓自置義倉仍准貞元元年十一月十一日  
制處分立人之道惟孝與忠孝莫大於榮親

忠莫先於竭節惟爾師長卿校洎乎方岳列  
藩保乂皇家交脩庶績竭節之効既昭乃誠  
榮親之恩宜洽國典内外文武清望職事官  
并節度觀察都防禦都團練經略等使又在  
未有官量授檢校五品官母在未有邑號者  
各封邑號父母亡沒者量與追贈已經追贈  
者更與改贈佐運之臣納忠之輔功既存於  
社稷慶宜及於子孫故周錫田土漢傳帶礪  
疇其爵邑與國終始以明報德之恩勸為臣



之節其或年代未遠利澤猶存祠宇已變於  
荒墟胤嗣不編於仕籍思其人猶愛其樹况  
奠享之主而不加省錄者乎興滅國繼絕代  
所以禮先賢也修宗廟敬祀事所以教追孝  
也化俗歸厚此其大端應九廟配享功臣及  
武德以來將相名節特高有封爵廢絕祠廟  
無主者宜許子孫一人紹封以時享祀自今  
以後應有家廟子孫但傳龍峯封爵者並許享  
祔于廟其有毀賣私廟及買之者各以犯教

義賊論自古聖帝明王忠臣烈士各令所在  
長吏以禮致祭書叙明目達聰垂拱而理詩  
稱濟濟多士文王以寧舍己從人故能通天  
下之志棄瑕錄用故能盡天下之才昔在太  
宗勤求理道納諫如響任賢勿疑致俗於太  
平垂範於永代朕獲承鴻緒追慕聖猷書之  
座隅常自儆勵朝夕翹想庶聞嘉謀夢寐勞  
懷思得賢士凡厥在位所宜共成諸司官有  
陳便宜者各盡所見條疏封進事有克滯政



有闕遺悉當極言無或隱避詔勅不便於時  
者所司執奏以聞天下有蘊德懷才隱居不  
仕委所在觀察使表薦當以禮邀致諸邑人  
中賢良方正能直言極諫或博通墳典達於  
教化或詳練故事長於著述或精習律令曉  
暢法理或該明吏術可委理人或識洞韜略  
堪任將帥者委所在州府長吏及臺省常叅  
官詳錄行能舉奏並限來年七月內到京朕  
當親試應緣大禮掌職行事仗內引駕攝將  
軍中郎郎將留守副留守并諸道表狀陪位  
法駕三引官等三品已上更賜爵一級四品  
已下加一階其郊壇宮廟行事官仍各賜勳  
兩轉皇親諸親應陪位者三品已上賜爵一  
級四品五品加一階六品已下及常選官至  
選日優與裏分白身人及諸色應陪位官等  
各賜勳兩轉親王大長公主郡主縣主賜物  
各有差訾公介公各賜物若干踐行事室長  
掌坐齋郎禮生贊者各減一年勞無勞可減



者至簡選日優與處分崇賢館學生減菜一  
道國子監學生陪位者及應緣祇應諸司作  
官直長長上流外要職掌內侍省白身諸州  
行綱考典兩京耆壽諸色番役當上在城并  
量留十月番人等各賜勳一轉馮臚番客共  
賜物若干神策六軍英武威遠皇城金吾街  
使諸軍諸使將士應緣大禮宿衛御樓立仗  
及守本庫本營者共賜物若干端匹天下耆  
老百歲已上者各賜銀帛若干

已上及鰥寡悖獨不能自存者委刺史縣令  
各加優恤應緣大禮加階及賜勳爵等申報  
叙奏期限並准貞元六年十二月二日勅處  
分餘依常式所司不須更作條件赦書口行  
五百里布告遐邇咸使聞知

蝗蟲避正殿降免囚徒德音

夫入事失於下則天變形於上咎徵之作必  
有由然自去歲已來災沴仍集雨澤不降延  
歷三時蟲蝗既繁彌亘千里穀糴雜翔貴稼猶



卒瘁嗷嗷烝人聚泣當歆與言及此實所痛傷徧祈百神曾不獲應方悟禱祀殊救患之術言詞非謝諱之誠憂心如焚深自刻責得非刑法舛謬忠良鬱堙暴賊未蠲勞師靡息事或無益而重為煩費任或非當而橫肆侵蝨有一於茲足傷和氣本其所以罪實在予百姓何辜重罹殍餒所宜出次貶食節用緩刑側身增修以謹天戒朕避正殿不御百寮奏事並於延英處分尚食進膳宜更節減百

司不急之務一切且除諸軍將士外自餘應食官糧人及諸色用度等並委本使長官商量權行停減以救荒饑仍限十日內具元額及所釐革條件聞奏待至豐稔却令依舊畿內百姓委京兆尹切加慰撫除正稅止役外徵科差遣並宜禁絕非交相侵奪尋常訴訟不須追擾務且息人京畿內外及京兆府諸縣見禁囚徒死罪降從流以下一切赦免畿內及河中同州界應有回戰陣殺戮遺骸暴



露者各委所在長吏隨事埋瘞洛爾卿佐實  
惟股肱所當一其誠心同恤灾患勉修厥職  
副我憂勤

誅李懷光後原宥河中將吏并招諭准

西詔

自昔哲王以道化下不竭物以充欲不勞人  
以樹威億兆之心如戴父母兵革不試四方  
來同苟或昧於德綏務以力勝士旅疲耗烝  
黎困窮幸以成功豈云有補李懷光久從戎

旂頗善勤勞拔於等倫授以旄鉞誓師河朔  
奔難奉天有夷兇嫉惡之誠有弭患釋圍之  
績俾介元帥仍升上台肅心匪曩自底不類  
怙衆貪亂附姦脅君朕用再遷幾危宗廟洎  
股肱宣力賊泚就誅率土之人咸懷奮擊朕  
獨排羣議未忍加兵命復官封志期全貸而  
乃昏迷不返悖慢逾彰殘害使臣侵敗畿甸  
密迓京邑人愁無聊諭之不悛乃用致討上  
悔禍元臣叶謀克集茂勲以夷大難渠魁



授首餘衆韋心制勝以謀兵無血刃雖事非  
獲已義在救人而本其所由情深罪已蓋以  
信誠未著撫馭或乖至使功臣陷於誅戮謂  
之克敵寧不愧心然以懷光一家法當殲戮  
念其昔居將相嘗寄腹心罪雖掛於刑書功  
已藏於王府以干紀之跡固合滅身以赴難  
之勲所宜有後非常之澤俾洽幽明雖屈彘  
章庶旌往効大夫君子無我有尤宜以懷光  
一男為嗣賜莊宅各一所聽住京城仍還懷

光首級及屍任便收葬其妻及諸子孫在室  
女等並通送澧州委李臯逐便安置使得存  
立其出嫁女及諸親戚並宜釋放應先陷河  
中將士等皆嬰迫脅無路申明多是朔方舊  
人素蘊忠義并幽州涇原將士項被朱泚脅  
從收京之侍奔竄在彼究其本末情有足矜  
况能協力同謀舉城歸順錄其成功咸與惟  
新宜一切洗雪勿為瑕累先有官爵實封者  
並許仍舊其中首謀効順事績著明者委副



元帥條件聞奏別加甄獎河中及同州絳州  
百姓並經陷賊又乂屯軍骨肉流離生業廢  
棄典言軫念良用惻然宜各給復一年京北  
府奉先美原等縣緣與同州接近隨便供運  
杼軸既繁流亡頗衆委京兆尹即量事優恤  
條件聞奏仍加招輯使各安存河中保義軍  
保寧軍節度使并管内諸軍行營兵馬副元  
帥河中保寧等軍節度度支營田觀察處置  
等使銀青光祿大夫檢校司徒同中書門下

平章事兼太原尹北都留守北平郡王遂惟  
嶽降生薨為時傑奉上勵匪躬之節訓師懷  
盡敵之謀略地無遺攻城必拔發揚以威強  
寇感激而服叛徒嘉謀屢聞能事畢備朔方  
河中同絳陝魏汴等州及管内諸軍副元帥  
河中絳州節度觀察處置等使開府儀同三  
司行侍中兼河中尹咸寧郡王瑊鑒識精明  
宇量弘博秉義率衆推誠待人堅制不奪之  
心至陳必勝之略輯睦士旅安慰流庸盛德



克彰崇功允集惟乃二帥一其誠心奉行天  
誅同獎王室有崇讓之美有禁暴之能元惡  
既除全城底定是加寵命以答崇勲燧可兼  
侍中仍與一子五品正貲官并階餘並如故  
臧可檢校司空仍與一子五品正貲官并階  
餘並如故華州潼關鎮國軍節度使開府儀  
同三司檢校右僕射并華州刺史上柱國武  
康郡王駱元光邠寧慶等州刺史御史大夫  
上柱國許昌郡王韓遊瓚坊丹延等州節

度觀察使檢校兵部尚書兼御史大夫上柱  
國果平郡王唐朝臣等並節著艱危功成討  
伐鎮于衝要隱若長城取彼兇殘進無堅陣  
比義同德廓清方隅宜增食于真封且延榮  
於胤子可各賜實封二百戶仍與一子六品  
正貲官并五品階餘並如故應諸道諸軍同  
討懷光將士等一自征役淹歷歲時被服干  
戈略無寧息賴茲勳効是有成功宜並賜三  
十萬端匹以充宴賞仰度支即般次送赴並



各放歸本道仍令所司叙錄即超資與改轉  
其中大將及功效殊尤者委所司速具名銜  
聞奏先與處分其先在河中將士亦宜依例  
賜錢宴賞如本是奉天定難功臣准條合給  
賞者度支即排比支付嗚呼自國家多難二  
紀于茲朕嗣位七年連兵五載追惟往事悔  
恨于懷今二孽既誅諸方甫定哀彼淮右獨  
為匪人其帥不龔其衆何罪朕晨夕惕慮念  
之甚詳罷征討則阻命止於數州窮戰爭則  
流禍及於天下利病之勢較然相懸俾人罹  
殃寧我忍耻今勳賢列鎮疆理有經繼未偃  
戈足以保境况天地之大無所不容豈令是  
邦猶隔朝化回茲大慶使洽鴻恩諸道應與  
淮西接連宜且各守封境非被侵軼不須進  
討仍委所在長吏明加招諭宣布朕懷李希  
烈若能歸降待以不死其餘將士官吏百姓  
等一切並與洗滌與之更新先有官封亦皆  
仍舊如能去逆効順回事建功理當甄升以



示褒勸其所以優賞科條並准前勅處分朕  
思與海內去危圖安有過自新雖大必有朗  
然明信彰示兆人期尔庶邦自求多福無有  
遠迹咸使聞知

誅李希烈後原淮西將士并授陳仙奇  
節度詔

反易天常悖違人紀衆之所棄固或逃誅李  
希烈蔑義背恩窮姦極暴謂神器可以力取  
謂生靈可以詐欺志在兇殘躬行僭竊罪無

與比法實難容以君德不修致人於禍究其  
端本道實在于予不忍承黎重相攻戰屢施詔  
命務欲懷柔抑羣師奮發之誠駐諸軍討逐  
之勢不憚屈己期於息人希烈曾無悛心益  
逞驕志虐毒滋甚吞噬無厭惡貫既盈自底  
夷滅開府儀同三司御史中丞臨漳郡王陳  
仙奇忠勇有餘沉毅能斷據闔境受汚之憤  
導三軍思順之心唱義一呼羣情響附廓清  
氛祲鐵戮染旄驛書上聞函首入獻方隅既



又役成其休懸賞之科是宜必信其以仙奇  
為檢校工部尚書兼萊州刺史御史大夫充  
淮西節度仍賜實封三百戶應淮西管內將  
士官吏百姓等頃迫兇威遂從脅制既誅元  
惡俱是平人除李希烈一家其餘並准前後  
赦勅原放更無所問其將士等或本屬平盧  
或以鎮淮右素推忠義累著勲庸果能叶志  
同謀輸誠奉順以茲節効良有可嘉委仙奇  
即以諸色官錢優與宴勞其中首建謀議同

希烈人等宜並條錄聞奏節次褒賞比年  
以來有潛圖劫順節義著明計或未行為賊  
屠害者亦當審加訪察具事績以聞如有子  
孫仍並錄名聞奏百姓等又經淪陷兼被傷  
夷遐想凋殘實足哀憫除供當道軍用外宜  
給二年應被希烈差點兵馬及團練子弟並  
即放散其本額將士之中有不樂在軍願歸  
農業者委節度刺史量給逃死戶田宅并借  
貸種糧優給復終身使之存濟宜令尚書左



丞鄭叔則克淮西宣慰使嗚呼往欽哉自希  
烈叛命于今五年王澤不通下情亦阻所宜  
宣我信令以釋危疑敷我惠和以慰疲瘵滌  
清汚俗咸與惟新底難一方以稱朕意

重原宥准西將士詔

乃者希烈亂常阻兵竊號汚脅士衆殘虐烝  
黎朕志在好生誠深罪已為人受耻不忍加  
兵惟茲一軍代著忠節果誠心惡不替舊章  
詢於衆情就拜一期於小康旋

乖卹下之方重致喪身之禍由朕薄德俾人  
不寧撫臨萬邦且愧且悼猶賴將校士旅秉  
其誠心邦人不驚軍部無撓以茲節効良有  
可嘉所宜慰安俾浴寬澤應將士吏人承前  
所有諸過犯罪無輕重一切釋放曠然昭洗  
咸與惟新其有先請受莊宅財物者各以見  
管為主將士衣賜節料并家口糧賜等一切  
並准舊例以時給付不得停減先令優與賞  
設亦准元勅處分務令豐厚以稱朕懷仍加



曉諭各委知悉

唐陸宣公集卷第三

唐陸宣公集卷第四

制誥卷第四

優恤賜功臣  
名改州府

賑恤諸道將吏百姓等詔

國之經制儲畜備災雖遇凶年人無菜色時  
或弛征散利務穡勸分徒有以均無因豐而  
補敗救患之術抑其次焉自戍役繁興兩河  
尤極農桑日費井邑為墟丁壯服其于戈疲  
羸委於溝壑傷夷未復荒饑荐臻歷河朔而  
至於太原自淮沂而被于洛內蟲螟為害兩  
澤憊時稼穡瘁瘳烝黎重困然由徵賦不息



征役未寧凍餒流離寄命無所與言感悼焚  
灼于懷朕聞刑罰失中虐殄斯作致咎之本  
在于一人萬姓何辜遭罹其弊兢兢惕息不  
敢違安庶蠲下土之災用答上天之戒其宣  
武等軍宗毫陳州等節度淄青等州節度河  
陽懷州節度東都畿汝等州節度潞安軍澤  
潞磁邢等州節度保寧軍節度成德軍恒深  
趙等州節度易定等州節度每管各賜米五  
萬石所司即般運都於楚州分付各處本道

差官受領賑給將士百姓等務令均洽以惠  
困窮屬軍費方殷國儲尚歉今所賜賑給其  
數非多猶慮孤惻或未周贍穀價翔貴何能  
自資江淮之間連歲豐稔迫於供賦頗亦傷  
農收其有餘濟彼不足允乎發歛之術且叶  
變通之規宜令度支於淮南浙江東西等道  
量置場加價和糴米三五十萬石差官般運  
於諸道減價出糴貴從權便以利於人無或  
勞煩重予不德方岳守將實朕股肱卹惠分



憂與朕同體宜即遣使分道宣慰勞勉將士  
省問鄉閭有可以救歲之凶災除人之疾苦  
各與本道節度使商議具以聞奏必精必詳  
用稱朕意

優恤畿內百姓并除十縣令詔

朕以薄德託於人上勵精思理期致雍熙鑒  
之不明事或乖當百度多闕四方靡寧傷夷  
未瘳而征役荐起流亡既甚而賦歛彌繁人  
然聞上天災降下連歲蝗旱蕩無農收惟茲

近郊遭害尤甚豈非昊穹作沴深儆予衷竭  
蹠憂慚罔知攸措今穀價騰踊人情震驚鄉  
閭不居骨肉相棄流離殞斃所不忍聞公私  
之間廩食俱竭既無賑恤猶復徵求財殫力  
疲繼以鞭笞弛征則軍莫之贍厚歛則人何  
以堪念茲困窮痛切心骨思所以濟浩無津  
涯補過實在於增修救患莫如於息費致咎  
之本既由朕躬謝譴之誠當自朕始宜今尚  
食每日所進膳各減一半宮人等每月惟供



給糧米一千五百碩其餘悉皆停省年食支  
酒料宜減五百碩飛龍廐馬從今已後至四  
月三十日已前並減半料京兆府百姓應差  
料徵配及和市和糴等諸色名目事無大小  
一切並停公私債負容待蠶麥熟後征收百  
司非至切之務如追擾百姓及追勘徵收等  
色府縣並不須承受其尋常訴訟非交相侵  
奪者亦不得為理百姓及諸色人等如能力  
行仁義的減有無贖貸貧人全活數衆者

司其事跡聞奏朕當授以官秩蠲其征徭如  
縣令勸導有方流庸克濟至夏初已來類例  
勘會但戶口無減田疇不荒亦以狀聞量加  
優獎百姓有迫於荒饑全家逐食者其田宅  
家具樹木麥苗等縣司並明立簿書印記令  
所由及近隣人同檢校勿容輒有毀損及典  
賣填納差科本戶却歸使今復業夫致理之  
本必在於親人親人之任莫切於令長導至  
者之澤以被於下求庶人之瘼以聞于朝得



尖之間所係甚大且一夫不獲辜實在予况  
百里之安危萬人之性命付以長吏豈容易  
哉今旬內凋殘亦已大甚每一興想盡然傷  
懷非慈惠不能卹疲氓非才術無以賑艱食  
臺郎御史選重當時得不分朕之憂救人之  
弊昨者詳延羣彥親訪嘉猷尚書司勳負外  
郎竇申等十人咸以器能理道精心究烝黎  
之疾苦知教化之宗源輟於周行往蒞通邑  
申可長安縣令鄭珣瑜可檢校吏部員外郎

燕奉先縣令晝武可檢校禮部員外郎兼昭  
應縣令賈全可咸陽縣令兼監察御史霍琮  
可華原縣令兼監察御史王倉可檢校禮部  
員外郎兼昭應縣令李曾可盤屋縣令兼監  
察御史荀曾可三原縣令兼侍御史李緄可  
富平縣令兼殿中侍御史其有散官封賜者  
並如故應畿內縣令俸料宜准常參官例均  
融加給涇陽縣令韋滌潔己貞明處事通敏  
有禦災之術有字物之方人不流亡事皆辦



集惟是一邑之內獨無愁怨之聲古之循良  
何以過此就加寵秩允叶前規可檢校工部  
員外郎兼本官仍賜緋魚袋并賜衣一襲絹  
百匹馬一匹嗚呼積行在躬雖微必著咨乃  
庶尹其惟欽哉朕聞為君者必擇人而官為  
臣者罔擇官而處弛張繫於理不繫於時升  
降在乎人不在乎位朕方抑浮華以敦敦稽  
言行以進人非次之思以行能者彰  
期於必行凡百若千

春陽布和萬物暢茂實兆庶樂生之日農夫  
致力之時今茲吾人則異於是迫以荒饉愁  
怨無憻有離去并疆業於庸保有乞丐途路  
困於死亡鄉閭依然烟火斷絕種餉既乏農  
耕不興若東作憊時西成何望為人父母得  
不省憂雖國計猶虛公儲未贍濟人之急寧  
俟盈豐罄其有無庶拯艱厄京兆府百姓並  
宜賜種子二萬碩同華州各賜三千碩陝虢  
兩州賜四千碩委州長吏即於度支計會請



受差公清仁恤之吏與縣令親至村閭隨便  
給付仍加勸課勿失農時應諸倉所有遠年  
粟麥宜令節度更分二萬碩京兆尹即差官  
逐便船載賑賜貧人先盡鰥寡孤惇目下不  
濟者務令均給全活流庸嗚呼朕德之不敷  
誠之不感上帝降格下寧厥躬元元何辜罹  
此災害思欲拯救未知其方長人之官寄任  
斯重所宜極慮與我同憂勉敷惠和以育疲  
瘵佇聞良術稱朕意焉

賜將士名奉天定難功臣詔

國家受天明命平一宇內自武德迄于元寶  
百四十載海內無事崇德廣化澤被生人時  
洽和平俗登富教鰥寡孤獨咸得其所鳥獸  
魚鼈亦罔不寧凡今有生實賴亭育錫膺伺  
間盜起幽燕率土之人莫保性命肅宗以神  
武戡大難先朝以仁德紹興運區域再造億  
兆并康室家離析而復安子孫煦嫗而相長  
勞來安集垂三十年則我列聖之於天下惠



澤深矣朕以寡昧祗膺寶曆常恐不克負荷  
罔敢怠荒道有未明事多乖謬群情壅而不  
達大信虧而不彰兩河之間羣盜連禍成務  
除大患靡憚暫勞是以興有征之師問十紀  
之罪昨以涇原士徒將赴汝郊失於撫綏致  
使潰叛朱泚乘釁自構異圖肆其狼心誘我  
蠢賊謂君可叛謂天可欺縱恣凌悖無所愧  
畏朕失守官闕出次郊畿九廟震怒萬姓介  
駭內省思咎外顧懷慚罪實在于不德一版

意者宗社降祐大儆于朕躬夙夜殷憂庶乎  
有補實賴股肱心膂勵從戎之節方岳將校  
集勤王之師赴難如歸見危思奮艱貞利操  
何日忘之平巨猾者必仗羣雄賞茂績者不  
限彝典保勲庸於帶礪傳爵邑於子孫崇功  
美名與國終始其諸軍使應到奉天縣將士  
等宜並賜名奉天定難功臣食實封者子孫  
相繼代代無絕身有過犯逋減罪二等子孫  
有過犯逋減罪一等當戶應有差科徭役一



切蠲免其功臣已後雖衰老疾患不任軍旅者當分糧賜羊並與金給身死之後回給家口十年勿絕如有能梟擒朱泚者即以朱泚在身官爵授之仍加實封二千戶朱泚所有田宅財物悉並充賜其梟擒賊大將已下并節級特加優寵仍各與實封應梟擒人所有田宅財物亦使賜之其餘立功應合授官給賞並准今年七月勅處分其今日已前身死王事者追贈官爵亦稱奉天定難功臣子孫

為功臣之家應合襲封減罪蠲免差役等一切同例宣告中外今知朕懷建中四年十一月二十三日

改梁州為興元府升洋州為望州詔自昔多虞順時而動古公避狄兆永祚於岐下高帝徙蜀建雄圖於漢中王蹟所興子孫是奉親遷居於避阻知致君之艱難矧天下為家不當厥邑王者所至四方會同崇號設節於是乎在朕遭罹寇難播越梁岷黍蕪煩



於供億武徒勤於扞衛凡百執事各奉厥司  
人皆競勸物以豐給嘉乃成績予懷不忘今  
大憝已除京邑甫定將旋法駕展敬園陵眷  
于是邦復我興運宜其崇大以示將來古者  
天子省方則問百年卹百姓以頒慶賜以茂  
勲勞用弘布澤之恩式慰來蘇之望宜改梁  
州為興元府其署置官資望一切與京兆河  
南府同南鄭縣升為赤縣諸縣並升為畿縣  
見在州縣官各令終考秩至考滿日放選依

之實處考者壽與板授五品官仍並賜緋光  
已賜緋並賜紫與正等各賜勳五轉百姓除  
先減放稅錢外更給復一年洋州宜升為望  
州見在州官亦並令終考秩并諸縣官等各  
減選無選可減者各加三階應山南西道  
節度下將士除扈從迎駕已經改官者餘並  
即與甄叙嗚呼古先哲王東征西怨顧予不  
德重予勤人撫心咎已良增愧歎宣示有衆  
明知朕懷



唐陸宣公集卷第四

